

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ „სამედიცინო დაწესებულებათა რეაბილიტაციისა და აღჭურვის“ 2018 წლის სახელმწიფო პროგრამის ფარგლებში, სამინისტროს ძირითადი სერვერული ცენტრის („დატა ცენტრის“) ინფრასტრუქტურის განახლების/მოდერნიზაციისა და სარეზერვო სერვერული ცენტრის („დატა ცენტრის“) მოწყობის სახელმწიფო შესყიდვის სატენდერო კომისიის სხდომის

ო კ მ ი №1

2018 წლის 6 ნოემბერი

ესწრებოდნენ:

კომისიის თავმჯდომარე: გ. წოწკოლაური

კომისიის თავმჯდომარის მოადგილე: ი. ბიბილაშვილი

კომისიის წევრები: მ. ჯანიაშვილი, ნ. ქინქლაძე, გ. კაკუშაძე, ი. ქიტიაშვილი,

ი. აბრამიშვილი

კომისიის აპარატის წევრები: ლ. დევძე, ი. ელიაშვილი

დ დ ი ს წ ე ს რ ი გ ი

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ, „სამედიცინო დაწესებულებათა რეაბილიტაციისა და აღჭურვის“ 2018 წლის სახელმწიფო პროგრამის ფარგლებში, სამინისტროს ძირითადი სერვერული ცენტრის („დატა ცენტრის“) ინფრასტრუქტურის განახლების/მოდერნიზაციისა და სარეზერვო სერვერული ცენტრის („დატა ცენტრის“) მოწყობის სახელმწიფო შესყიდვის მიზნით სატენდერო განცხადების, სატენდერო დოკუმენტაციის (სატენდერო პირობების) დამტკიცება.

მოისმინეს: სატენდერო კომისიაზე აღინიშნა, რომ სამინისტროს ადმინისტრაციული დეპარტამენტის სახელმწიფო შესყიდვების სამმართველოს, 2018 წლის 24 სექტემბრის N01-3013/ს მოხსენებითი ბარათის საფუძველზე, დაევა სამინისტროს ძირითადი სერვერული ცენტრის („დატა ცენტრის“) ინფრასტრუქტურის განახლების/მოდერნიზაციისა და სარეზერვო სერვერული ცენტრის („დატა ცენტრის“) მოწყობის სახელმწიფო შესყიდვისათვის საჭირო ღონისძიებების ჩატარება, მათ შორის, შესყიდვის სავარაუდო ღირებულების (ბიუჯეტის) განსაზღვრის მიზნით ბაზრის კვლევის ჩატარება.

მოხსენებით ბარათში აღნიშნულია, რომ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მონაცემთა ცენტრში, რომელიც ემსახურება სამინისტროს ცენტრალური აპარატისა და სამინისტროს მმართველობაში შემავალ ყველა სსიპ-ს, ფუნქციონირებს სამედიცინო და სოციალური პროგრამების ელექტრონული სისტემები, მათ შორის მუშავდება მონაცემები, რომლებიც უზრუნველყოფენ საყოველთაო ჯანდაცვის,

სხვადასხვა ე. წ. „ვერტიკალური“ სამედიცინო პროგრამების, რეესტრების, ელექტრონული რეცეპტის და სხვა ელექტრონული სისტემების გამართულად ფუნქციონირებას. აღნიშნული ელექტრონული სისტემები ემსახურება სამედიცინო დაწესებულებებიდან შემოსული ინფორმაციის დაგროვებას, ანალიზს და მიზნობრივად გაზიარებას. 2019 წლის 1 იანვრიდან დაგეგმილია „ელექტრონული სამედიცინო ჩანაწერების“ სისტემის ამოქმედება სამ მსხვილ ქალაქში (თბილისი, ქუთაისი, ბათუმი), რომელიც მაისიდან გავრცელდება ქვეყნის მასშტაბით. ელექტრონული სამედიცინო ჩანაწერების ძირითადი ფუნქციაა ცენტრალიზებულად შეაგროვოს პაციენტის სამედიცინო ჩანაწერები და მისცეს საშუალება სამედიცინო დაწესებულებებსა და სამედიცინო პერსონალს საჭიროებისამებრ მოიპოვოს აღნიშნული მონაცემები პაციენტის ჯანმრთელობის შესახებ პაციენტის სამედიცინო ისტორიის სახით, რაც უდაოდ გააუმჯობესებს დიაგნოსტიკისა და მკურნალობის პროცესებს.

ზემოაღნიშნული მონაცემების შეგროვების, დამუშავების, გაზიარებისა და სათანადო დაცვის უზრუნველსაყოფად საჭიროა სამინისტროს მონაცემთა ცენტრის მოდერნიზაცია, შესაბამისი მოცულობების, გამტარიანობისა და წარმადობის მისაღწევად იმის გათვალისწინებით, რომ ინფორმაციის დამუშავება უნდა მიმდინარეობდეს უწყვეტად 24/7/365 რეჟიმში. ამ რეჟიმში მუშაობის უზრუნველყოფისა და კონფიდენციალობის სათანადო დონის მიღწევის მიზნით ასევე აუცილებელია სათანადო სერვერული ცენტრის მოწყობა, რაც ინფორმაციის მთლიანობის ხელმისაწვდომობისა და კონფიდენციალობის საჭირო დონეზე შენარჩუნების დარღვევის რისკებს მნიშვნელოვნად ამცირებს.

სახელმწიფო შესყიდვის განსახორციელებლად, სავარაუდო ღირებულების განსაზღვრის მიზნით ჩატარდა ბაზრის კვლევა და დადგინდა შემდეგი გარემოებები:

1. სამინისტროს ძირითადი და სარეზერვო სერვერული ცენტრებისათვის („დატა-ცენტრის“) საკომუნიკაციო მოწყობილობების მოწოდება შეუძლია ექვს პოტენციურ მომწოდებლებს.

2. სარეზერვო სერვერული ცენტრის („დატა ცენტრის“) მოწყობა შეუძლია ოთხ პოტენციურ მიმწოდებლებს.

3. საკომუნიკაციო მოწყობილობების და სერვერული ცენტრის მოწყობაც შეუძლია მხოლოდ ერთ მომწოდებელს, რაც გაცილებით უფრო ძვირია, ვიდრე ცალ-ცალკე მიღებული შემოთავაზებების ფასი.

ამდენად, ბაზრის კვლევის შედეგების გათვალისწინებით, აღნიშნული სფეროში ბაზარზე არსებული ჯანსაღი კონკურენციის განვითარების და საბიუჯეტო სახსრების რაციონალური ხარჯვის მიზნით, მიზანშეწონილად ჩაითვალა ორი შესყიდვის განხორციელება.

შესყიდვის სავარაუდო ღირებულებები შეადგენს:

1. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ძირითადი და სარეზერვო სერვერული ცენტრების („დატა-ცენტრის“) საკომუნიკაციო მოწყობილობები - 6 634 500 ლარი;

2. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სარეზერვო სერვერული ცენტრის („დატა ცენტრის“) მოწყობა - 554 979 ლარი.

ორივე შესყიდვის მნიშვნელობიდან გამომდინარე, მიზანშეწონილად ჩაითვალა ტენდერებში პრეტენდენტის მიმართ გამოყენებული იქნეს სარეგისტრაციო/უფლებრივი მონაცემების ამსახველი ზოგიერთი დოკუმენტის წარმოდგენის მოთხოვნა.

სატენდერო კომისიამ განიხილა სატენდერო პირობები, იმსჯელა მოწოდების ვადებისა და პირობების, ანგარიშსწორების პირობების, სახელმწიფო შესყიდვის ხელშეკრულების პირობებისა და პრეტენდენტის მიერ ტენდერში წარმოსადგენი ტექნიკური თუ სხვა დოკუმენტაციის შესახებ.

კომისიამ დაადგინა:

1. დამტკიცდეს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ, „სამედიცინო დაწესებულებათა რეაბილიტაციისა და აღჭურვის“ 2018 წლის სახელმწიფო პროგრამის ფარგლებში, სამინისტროს ძირითადი სერვერული ცენტრის („დატა ცენტრის“) ინფრასტრუქტურის განახლების/მოდერნიზაციისა და სარეზერვო სერვერული ცენტრის („დატა ცენტრის“) მოწყობის სახელმწიფო შესყიდვის მიზნით ელექტრონული ტენდერის განცხადება და სატენდერო პირობები.

2. დაევალოს სატენდერო კომისიის აპარატს სატენდერო განცხადებისა და სატენდერო პირობების სახელმწიფო შესყიდვების სააგენტოს ერთიან ელექტრონულ სისტემაში განთავსება.

კომისიის თავმჯდომარე:

გ. წოწკოლაური

კომისიის თავმჯდომარის მოადგილე:

ი. ბიბილაშვილი

კომისიის წევრები:

მ. ჯანიაშვილი

ნ. ქინქლაძე

გ. კაკუშაძე

ი. ქიტიაშვილი

ი. აბრამიშვილი

კომისიის აპარატის წევრები:

ლ. დევიძე

ი. ელიაშვილი